

串騷冊

卯 9

47 <1



鮑氏知不足齋鈔本

每部足錢貳百
外編集款編

串正內編

光緒辛卯校印



自序

周禮分醫爲四有食醫疾醫瘍醫獸醫後乃有十三科而朱
聞走方之名也物原記岐黃以來有鍼灸厥後巫彭製藥而
未聞有禁截諸法也晉王叔和纂脈經敘陰陽內外辨諸候
經絡臟腑之病爲最詳金張子和吐汗下三法風寒暑濕火
燥六門爲醫之關鍵終未聞有頂串諸名也有之自草澤醫
始草澤醫乃世所謂走方也人每訶詆之謂其遊食江湖貨
藥吮舐行則類丐挾技劫病貪利恣睢心又類盜耳剽竊醫
緒倡爲詭異敗草毒劑悉曰仙遺剗滌魘迷詫爲神投輕淺
之疾或可貪天沈痼之災烏能起廢雖然是誠有焉不可概

論也爲問今之乘華軒繁徒衛者皆能識症知脈辨藥通其
元妙者乎則儼然峩高冠竊虛譽矣今之遊權門享厚奉者
皆能決死生達內外定方劑十全無失者乎則儼然踞高座
侈功德矣是知笑之爲笑而不知非笑之爲笑也予幼嗜岐
黃家言性尤好奇閱書自靈素難經而下旁及道藏石室考
穴自銅人內景圖而下更及太素奇經傷寒則仲景外編及
金鞞木索本草則綱目外遠及海錄丹房有得輒抄忘倦不
自知結習至此然聞走醫中有頂串諸術操技神而奏效捷
以此獲食其徒侶多動色相戒祕不輕授又多一知半解罕
有通貫者以故欲宏覽而無由焉宗子柏雲挾是術且老矣

戊寅航海歸過予質其道皆有奧理不悖於古軋其方旁涉
元禁瑣及遊戲未免誇新鬪異爲國醫所不道因取其斯授
手抄重加芟訂存其可濟於世合予平昔所錄奇方悉依原
次彙成一編曰串雅不欲泯其實也并矯奇而俾歸於雅使
後之習是術不致爲庸俗所詆忌殆亦柏雲所心許者昔歐
陽子暴痢幾絕乞藥於牛醫李防禦治嗽得官傳方於下走
誰謂小道不有可觀者與其亦善用斯術也可乾隆己卯十
月恕軒趙學敏序

緒論

負笈行醫周遊四方俗呼爲走方其術始於扁鵲華佗繼之
故其所傳諸法亦與國醫異治外以針刺蒸灸治內以頂
串禁截取其速驗不計萬全也

手所持器以鐵爲之形如環孟虛其中竅置鐵丸周轉搖之
有聲名曰虎刺乃起於宋李次口次口走醫也行深山有
虎齧刺於喉求李拔之次口置此器於虎口爲拔其刺後
其術大行名聞江湖祖其術者率持此器卽呼爲虎刺云
三才藻異
作虎撐

所提藥囊曰無且囊云秦無且所用者針曰鈹針有小袋曰

羅星袋有小尺曰分脈尺有藥點之鏡曰語魅有馬口鐵
小筒用以取牙名曰折脆所作偽藥皆曰何兼草藥
草持竿布賣膏藥曰貨軟作道妝僧服曰游方用針
紅用刀曰放紅撮痧曰標印艾火曰秉離水調曰填冷
人治病曰打樁兩人合治曰攏工共分酬金曰破洞賺人
財帛曰撈爪脫險曰出洞如此之類不能悉載略舉一二
焉

走方有三字訣一曰賤藥物不取貴也二曰驗以下咽卽能
去病也三曰便山林僻邑倉卒卽有能守三字之要便是
能品

有四驗以堅信流俗一取牙二點痣三去翳四捉蟲俱憑藥
又手法有四驗用針要知補瀉推拿要識虛實揉拉在緩
而不痛鉗取在速而不慌志欲傲禮欲恭語欲大心欲小
持此勿失卽爲老宿

藥上行者皆曰頂下行者皆曰串故頂藥多吐串藥多瀉頂
串而外則曰截截絕也如絕害然按此卽古汗吐下三法
也然有頂中之串串中之頂藥更元妙用意入神則又不
可以常格拘也

藥有常用之品有常藥之品走方皆收之病有常見之症有
罕見之症走方皆習之故有二難曰用藥難識症難非通



乎陰陽察乎微妙安能使沈疴立回名醫拱手誰謂小道
不有可觀者然則今之煦煦惟利是視言僞而辯開方則
筆似懸槌臨症則目如枯炭直謂之醫奴可耳

藥有奇性不必醫皆知之而走方不可不知脈有奇經不必
醫盡知之而走方不可不知用奇乘間一時之捷徑也得
心應手平日之熟練也古人出則行道入則讀書蓋醫學
通乎性命知醫則知立命而一切沴戾不能中之可以却
疾延年否則己身難免於危又焉能救人之危耶

醫本期於濟世疾能治則治之不必存貧富之見近率以醫
爲行業謂求富者莫如行醫於是朋黨角立趨利如鶩入



主出奴各成門戶在延醫者每以病試醫在醫病者又以藥試病兩相茫然迄無成效幸而偶中則僞竊標榜走方之術類聚既非鄉里論道罕見精微惟各挾一長以邀遊逐食忌則相賊合則相呼如雀隼之交謹誦莫定有似此者勿讀吾書

藥有最驗者曰丹頭卽劫劑是也病除後必不可再用走方多挾此以博效人每詫奇絕此後再求餘藥則授以丸曰除餘疾也輒索高價不知此卽市於藥肆中所棄根渣不論寒熱溫和概取而剉製之爲丸以賤售而貴取所謂撈爪是也有似此者勿讀吾書

醫者意也用藥不如用意治有未效必以意求苟意入元微
自理有洞解然後用藥無不立驗今則每持祖方爲長技
用而偶驗則留根不除俟再發而再獲也用而不驗則棄
用猛毒之藥以攻之所謂下殺手也在實症或間有轉機
而虛人不但立斃乎彼不知用意在平日之講求也凡平
日羣居科譚入市招搖貪饕沈酗不知潛心理道者勿讀
吾書

截法中有點金藥攔江網八面鋒如鯽魚霜中分散截骨移
毒皆點金藥也黃鶴丹青囊丸皆攔江網也兌金鯉鯪皆
八面鋒也俱不可不知

走方於內科有變病法如約脾丸中之用木瓜露以閉溺竅
掩月散中之用鯉脊鱗以遮瞳神取貝母中之丹龍睛以
弛髓脈剔刺蝟中之連環骨以縮骨筋外科則用白絲砂
以種毒蛇輩灰以種瘡卽九種十三根之類更有合扁豆
膏以留瘡曼陀酒以留癰甚則醉獸散之可以病馬牛金
針丸之可以困花木種種不仁愈降愈甚良由操技不精
欲藉此遂其罔利之心耳余書雖盡刪其法而不能盡絕
其傳也故述其概亦不可不知

串雅內編總目

卷一

截藥 總治

黃鶴丹

青囊丸

鯉鯪丸

蜜犀丸

普濟丹

蓬萊丸

發汗散

松梅丸

仙桃丸

命金丸

餘糧丸

凡仙丹

花蕊石散

三黃丸



紫陽真君塞鼻丹

神仙太乙膏

截藥

內治

通真子救苦丹

半分散

治傷寒結胸

拿瘡

宣木散

升陰湯

方缺

辟瘟丹

截頭風

頭痛

鶴頂丹

痰火神方

時行痰嗽

保靈丹

交感丹

降氣湯

治尸厥



獨步散

膈氣暫開關方

起廢神丹

坎離丸

元德膏

解惡仙丹

治老人不寐

安寐丹

瀉火聖神湯

鬼毒風氣

截酒積

靈寶化積膏

燒針丸

蠱蝨散

◎截癩

◎回癩湯

收呆至神湯

逐呆仙丹

啟迷奇效湯

啟迷丹



起痿神湯

摩腰丹

貼腰膏

威喜丸

截臑

蟲臑

血臑

分水神丹

疝氣神方

千金不傳韋氏方

去鈴丸

腹內龜病

返魂丹

鐵刷丸

截瀉丸

甯和堂暖臍膏

截水腫

截黃

斷痢

加味綠礬丸



點目取翳

治目多淚

仿西洋眼藥

二百味花草膏

截障

開聾

耳聾開竅奇方

通耳神丹

喉風閉塞

吹喉藥

黑龍膏

冰梅丸

中分散

仙傳急驚散

神穴丹

陳氏神效小紅丸

稀痘丹

梅花丸

換痘丹

釘胎丸

